



Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara.

**Nunatsinni qanoq iliorluta, inoqarfiit annerit inoqarfiillu minnerit avinngarusimasullu eqqarsaatigalugit inuuniarnikkut atugassarititaasut, assersuutigalugu neri-sassanik peqqinnartunik pisiassaqrneq, kiassarnermut kallerup inneranut, imermullu akit eqqarsaatigalugit, qanoq nammaqatigiinnerusinnaanerpup pillugu apeqquteqaat aallaavigalugu Inatsisartut oqallinnissaannik siunnersuut.**

(Inatsisartuni ilaasortaq Juliane Henningsen, Inuit Ataqatigiit)

Inuiaqatigiittut aaqqissuussaansinnit siammasissumik najugaqarnerpup ilisarnaatitta ilagaat. Taamaattumillu nunarujussuatsinni atungassarititaasut assigiinnegeqaat, tamannalu assigiinne-gissut alliarortutut arlalitsigut misinnarpoq. Inuit imaalliaannaq allamut atungarissaar-neruffiusumut nuussinnaangillat, ilalumi ilarpassui nuukkusunngillat.

Kissaatigaara oqallisiginnaassagippup Nunatsinni pissutsit ineriartornerat sumut ingerla-nersoq, qanoq sutigullu ingerlaaqatigiinnerusinnaanersugut?

Killiffissiuinissaq pisarialiuvoq, qanormi illersorsinnaavarput piffiit ilaanni naatsiat kiilumut 60 kr. pallillugit akeqartut allamili kiilumut 6 kr. akeqarlutik?

Illoqarfimmi anginerusumi kallerup inneranut akiliutit appasinnerunerat – illoqarfimmilu inukinnerusumi annertunungaarnerat pissusissamisoorpa? Assigiimmik akeqartitsinerup atorunnaartinneqarneranit maannamut nalilersuutit partiinit qanorippat? Isumalioqqittariaqarpugut. Nammaqatigiinneq uterteqqinneqartariaqarpoq!

Qanoq KNI A/S-imut kiffartuussinissamik isumaqatigiissusiortarneq aqutigalugu inuus-sutissat akii sunneeqataaffigisinnaavagut?

Allatigut Nunatsinni nammaqatigiinnerusinnaanitsinnut tunngassutilinnik eqqarsaatigiin-nissarpup pisariaqarpoq, pisariaqarpoq isorisaqartilluta oqartarnissarpup, taamatulli pisaria-qartigaaq qanoq aaqqiisoqarnissaanik siunnersuuteqartarnissarpup. Taamaattumik neriup-punga piffissaq manna atorlugu inuiaqatigiinni nammaqatigiinneq, ingiaqatigiinneq pillugu isummersoqatigiissinnaasugut, neriuppungalu atugarissaarnerunissamik suliniutigisagut aamma isorliunerusunut siunissami annertunerusumik siammarterneqartassasut.

Oqallilluarnissamik kissaasivunga.